

万国新史简要

一函
三册

萬國新史簡要

無錫薛福成叔耘輯

歸安錢 恂念劬校

西洋有萬國公法一書乃其地儒者所撰各國君長奉爲經典和戰交接之事據此以定曲直無敢違者今摘錄之後及交涉政事

原始

萬國不相統誰能爲一定之法使之必遵將諸國交接之事揆之於情度之於理爲一定之法則萬國不能外矣公

法之說創於荷蘭儒者虎哥

初名平戰條規

各國公師互相辨論

其大旨有二一曰性法本人心之同然以定是非卽所謂率性之道也一曰義法本人心之所是非以定各國交接和戰之準卽所謂修道之教也而推其所出仍本於天人心所同是卽天之所嘉卽萬國所當共守人心所同非卽天之所棄萬國所當共戒卽所謂天命之性也其書考求各國史冊詩篇以及民情風俗參酌成之以平諸國之爭又有萊本尼子與根不蘭霍畢寺布番多斯果德等諸人引伸其義辨析是非更加詳密又於是非之中推究利害

又有霍學士布番多二人著論義亦相同由是諸國之君
莫不遵守當戰則戰當和則和無敢異同有不遵公法強
執是非妄興兵革則萬國羣起攻之蓋西洋之有公法猶
中國之有四書六經也事雖近理而公法所不載前此未
行者諸國皆不敢妄行猶中國之數典也各國禁令皆以
生殺子奪爲賞罰獨公法以榮辱爲賞罰以天性爲權衡
賢君良士自然從之所謂不賞而勸不怒而威也

明用

公法之行以彼此交接之道推之一國由一國推之萬國

其利有三有公同約定而遵守者有未經約定而遵行者
有未行而中心信服者蓋性法酌理準情不偏不倚人之
好惡本於天性性無不善至善之法遵行者固皆信服卽
不行者其心未嘗不服也立國有二有君主之國權歸於
一立法以制民有民主之國權寄於眾而假手一人以行
法國各有法不能相同惟性法則本於天授發於人心無
不相同可以合萬人爲一人合萬國爲一國雖因事制宜
稍有損益而其大端終不能越海外先儒海付達之言曰
公法出於土人其權遵於國土國無大小賴此以自衛我

持此待彼彼卽持此以待我各行恕道久而相安大國不
至於弱小國不至於亡苟或背此則上干天怒下拂人心
爲萬國所不容雖大必危矣公法旣立凡有文字通聲氣
者莫不遵行惟昏亂之國背不肯行荒僻小島與禽獸相
似者昧不能行若歐羅巴亞美利加亞細亞等洲所屬及
土耳其波斯埃及巴巴里諸國則無不遵行故其國強俗
美不受侵凌

立國

一立國必一國之人其會推戴有城郭土地歸其自主始

得稱國爲君若民商自會及盜賊屯聚蠻夷流徙無定皆

不得稱國其有小部落附大國得存者亦不得稱國

晉書
土土

耳其向皆附英國
今皆爲大國矣

一國君行事關係一國者皆用本國律令處置其關涉他
國者必以公法處置民間之事亦然

一新立之國爲他國所立者一切不得自專必諸國共願

引爲友邦方得自主

美國向服英國
後乃自立爲國

既稱國以後雖衰弱

不得輕加廢滅必待內亂既甚主權全失或爲強敵所覆

乃得視爲亡國

一各國遇有內亂其君或死或奔或立其後嗣或別立一君同盟之國通好如常

一各國有爲外國所破更定和約或分讓其半或臣服彼國半讓則分云其國臣服則一切聽命不得列於友邦干

七百九十七年間荷門七省有愛法國破之因易其國法爲民主之國比利時諸省久與奧國平行既而被法征服其地遂歸法國十六年後荷蘭王家復位與法國定約將舊失七省與比利時諸省合爲一國歸荷蘭統轄至一千八百三十年比利時復叛荷蘭自立奧法英普俄五大國皆引爲與國共定和約比利時遂爲自主之國

一各國因亂易主友邦和約係舊君身家私事即可停止不行若關係一國大局者仍當照前遵守其國債無論應

收應償皆歸新君經理不得稍有含糊易主之後國土歸
君民產仍聽民自管不得因亂稍有侵占惟姦民叛亂始
將其產人公或大亂之後舊君復辟則變亂時民間入官
之產仍還本上新君議於鄰國之土地仍歸舊君其國土
因國事而或讓或賣民產用償買賣者皆守原議不得稍
有更易其他國被害應行保護他國民人被屈應行伸理
之事亦照舊接辦不得稍有推諉

一千八百四十五年間
諸盟邦與法國新主交

戰既勝後索取賠償兵費其時法國舊君已復仍照原數
輸送又美國以商人所受之害向法國西荷蘭那不勒斯
計索其時三國皆有變亂易主後
仍照原數代爲追出皆遵公法也

一自主之國一切政令皆由已出盟會禮節與各國平行

卽偶因有事聽命他國或向其請教皆不爲弱若於和約

載明聽命某國及會盟立約求他國保其事主其議護其

疆者卽爲半主之國一切不得自專

卽如波蘭之戈拉告一城並其轄下土地

公議立爲一國偏告諸邦許其永爲自主之國
係俄墨普三國保護故戈拉告常聽命於三國

一國必君臣合德政教清明方能自立若賴人保護則其

權漸失久必危亡卽如波蘭之戈拉告仗俄墨普三國保

護凡事卽不能自主然猶得與諸國盟會列於友邦也若

一千八百十五年間英墨普俄公議取法國之巴勒城別

立爲國名曰以阿尼合邦許其自主而和約有云此國全
賴大英君主永遠保護又云以阿尼合邦國內之事皆當
聽命英國英國亦當遣人鑒察主持又云此國既蒙英國
保護當聽英國屯兵駐守本國將士皆歸英將節制英兵
糧餉皆須本國支應又云阿尼商船旗幟亦當改從英國
款式等語又有仗人保護爲半主之國者摩爾達磯拉幾
塞爾維三國憑俄國保護而就近聽命於土耳其又有摩
納哥爲自主小國前憑法國保護後依巴勒盟約改憑薩
爾的尼保護波里薩爲民主之小國憑塞國保護又如埃

及一國本爲土耳其藩屬後寢强大遂不聽土國之命欲爲自主之國并欲攻取土國省部經英舉普俄四國公議始令自治其國仍貢土耳其租稅諸如此類强弱無定鄰國相待之禮亦隨時勢變更

一貢賦必俟其自願土地必俟其或賣或讓鄰國不能強取國內政事非承受保護者皆聽其自治鄰國不得干預雖苗蠻小部苟有居處定所刑賞法度皆爲與國列於盟會不得輕視又有數國而奉一君者法制禁令各從其國之舊惟與鄰國交際之事始由盟主酌定

猶中國之有蕃
髮苗人及回部

之自用
正朔

又有一國之民而分屬諸國者政教法令皆聽民
間自擇而從但定議之後卽不得擅自改易

一各國交涉之事必推强大有德者爲盟主凡事聽其處
斷其因有事會盟立約者則專以主持此事之國爲盟主
一切聽其處斷其各國境內之事仍由國君裁奪概不外
聞有最善之法同盟議定通行便爲公法則各國法院皆
當遵守

一各國士民設立會堂舉辦善事如征賦還債借債通好
通商及外人入籍彌補公用虧空鑄錢定權量建信局開

驛路著書製器制海盜及海上罪人與夫各國交涉之案

如此國殺被國之人彼國欠此國之帳等項

評交戰之事賜強償之牌并出境

緝捕暨造兵船機器養水師修礮臺一切事件及各國軍

民爭訟公同議定告之國君即便舉行國君不得牽制

一海船往來必有憑票其憑票必須自主之國方准發給

其附庸小國及未列友邦者不得私自發給各國亦不以

爲憑

一各國於境外開墾及攻取省部既經各國公許或歷年

久遠卽爲此國疆土鄰近之國不得擅爭

一各國濱海之地近岸數十里之洲港皆爲此國疆土以礮彈所及卽國威所及也往有英兵在美國長江口外捕拿敵船以致興訟經法師斷明遂定此例

一狹港通連兩海者則爲兩國之公地他國不能管轄兵船亦不得擅自進港

一黑海四圍之狹海向歸土耳其管轄近日多歸俄國英法墨普俄諸國亦立公約作爲五國公地惟兵船仍不得擅入土耳其內港其丹國所管之狹海曾於該地設有兵船捕拿海盜又建立塔標導引海船避險實於各國商船

有益雖近日將北岸讓於瑞威敦而往來商稅仍歸丹國征收

一兩國相連之江河以中流爲界其有向歸此國專管者則以彼岸爲界不得越爭

一江河流過數國卽爲公地往來商船亦可停泊起卸貨物遇有危急之事亦可登岸行走但必於本國無碍方可准行

禁令

一國中公業歸國君經理民間私產聽民自管遇有爭訟

仍聽國君處斷他國民商在本國置產寄存貨物者有事
概依本國法度其人犯事仍依原籍國法凡制度皆可隨
時更改惟已與各國議明立約者不得私改

一各國法度此國之法不能強行於彼國然亦有利國利
民之事可以推行彼國自願舉行者亦公法所不禁

一民間田產貨物其人死後或付與子孫或付與友朋必
所在地方官驗明遺囑方許承受或無遺囑者聽本國官
長處分

一歐羅巴各國舊法各國人民止許在外國購買貨物不